

225

37

DEO OPTIMO MAX.

UNI ET TRINO,

VIRGINI DEI-PARÆ, ET S. LUCE

Orthodoxorum Medicorum Patrono.

QUÆSTIO MEDICO-CHIRURGICA,

QUOD LIBETARIIS DISPUTATIONIBUS

manè discutienda, in Scholis Medicorum, die Veneris vigesimo-sexto mensis
Februarii, anno Domini M. DCC. LXVIII.

M. ACHILLE GUILLELMO LE BEGUE DE PRESLE
Equite & Censore Regio, Doctore Medico, Præside.

An omnes antè maturitatem Parotides Aperiantur?

I.



PAROTIS glandularum tumor inflammatorius in viciniis aurium exurgens, à sede nomen habet. Origine varius, sed in eadem invadendâ parte constans, situ insignis, aliena nunquam mentiens symptomata, vero temper vultu se prodens, non difficilem præbet sui cognitionem. Ut ortus inflammationum, sic etiam progressus imitatur, & exitus. Cum iis rubore loci, pulsantique dolore consentit. Quin & æmulam quandò que gestat indolem. Dirus sæpè nascenti malo socius occurrens, graviorem incutit metum. Sæpè desinenti subnascens, metuenda fugat, latiora prædicans, solviturque morbus. Interdùm repentinus adest, pari velocitate depressus, nec ullis antè signatus indiciis. Nescis tùm quas occultè struat insidias liquor evanescens. Infidam hujus & quasi periodicam timeas fugam. Citò enim emergens amne largiori auctior, sæviora palàm evolvit. Fortè etiam iterato lusu reconditus, si non exteriorem sibi fecerit exitum, sæcundos in multiplici corporis parte suscitabit abcessus. Cum Galeno multi tres statuunt (a) parotidum differentias. Eas ex Sennerto distinguit materia, generationisque modus. (b) At iste, vir tamen in Medicis concoctissimus, bilioso, pituitoso, melancholicoquè prolutus humorum flumine, quot varias ex hinc abire putat horum. ce tumorum divisiones! Eas dum sedulus recenset, nùm licebit breviter intercipere? Sympatica cum pluribus dicuntur aut critica. Novum rursus, communemque titulum induentes, benigna sunt vel maligne. Quam certè mutantur appellationem, primò, ab asperiori vel mitiori naturâ liquoris, cui suos ipsæmet & ortus debent, 2º, ab indole diversâ morbi cui succrescunt.

I I.

SUA sunt unicuique rei principia. Vel opaco latitant obvoluta velo, acutissimæque sagacitati penitus inaccessible; vel spontè se offerunt nullis expugnanda laboribus. At ea, quovis in casu, subesse, non timida suspicio, sed inconcussa veritas habetur. Hic de proximis tantùm solliciti, remotiores ablegamus causas. Lux enim non satis splendide longinqua micat? illas in omnibus indiscriminatim abscutibus scrutari liceat. In singulorum investigatione, quàm levi jure commendantur! Sit ergò vicinior sinceraque Parotidum originis causa, liquoris cujullibet inspissati, glandulæque sinum adimplentis

* Jam propugnata, anno 1744.

(a) Zacut. Insti-
de Med. princ.
hist. purapur.
sup. hist. ex. 1.
Galen. de Parot.
tom. prim. pag.
194.

(b) Daniel Sen-
nert. tom. 2.
Pract. lib. V.
Parot. prim. cap.
6. pag. 810.

(c) Thomas
Wharton. M. D.
Coll. Lond. A-
denograph. live
gland. tot. corp.
hum. descript. p.
116, Tit. de Pa-
rot.

(d) Guill. Fa-
bric. Hildan.
Centur. Obsev.
& curat. Chirur.
Obsev. XXIX.
pag. 116.

captiva moles. Ille, vel è cerebro depluit, (nec quidquam reluctante Clar. *Whar-
rtono*, qui nullos in Parotides è cerebro *derivari* rores asseverat) (c) vel è parti-
bus cæteris advehitur. Nunc faustum naturæ brevi sublevandæ conamen; nunc va-
nus oppressæ, fuentisque labor. Ex febre tumor ille multoties genitus, cum eâ gignitur
interdum & crescit, quin eadem absente, sanitate vegetâ florentes invadit. Benigniora
speres, si jam cessante malo surrexerit. Si tempore pares ipsi contigerint ortus, nec inde
symptomata siluerint, parari pejora credas. Si nullo denique morbo stipatus eruperit,
nec etiam accesserit febris, tùm sanè confidas. Dolosus tamèn cave repat interiora li-
quor. Tamen si lubens solitâ deindè sed parci ori suppuratione evaserit, narratus ab *Hil-
dano Fabricio* (d) casus ne renovetur attendas. Cæteris inflammationibus consentaneas
diximus Parotides. At ipsis undè nascantur & intumescant sanguinem solum largiri si
cogites, erras. In iis stillantes è cerebro serolirates socio lapsu colliguntur. Potest elab-
oratus ipsemet servatusque liquor in glandulis, flagitii parèm suscipere. Inò difficile
subodorari liceret quo pacto res aliter absolverentur. Horumcû Tumorum duplici vulgò
ratione natura molitur exitus. Quis quidem imitatur & adhibet Medicina feliciter audax
ubi prior viribus orbata jacet. Istud vel resolutionis, vel est suppurationis opus. Nulla
præter has tentanda methodus. Quæ repercerent, penitus exuiare decet. Ab horum usu,
prudensissimâ lege deterrent viciniorens brevi afficienda cerebri penetrata; præsertim si
maligna mali nosceretur insoles. Nec ipsammet istam quandoque resolutionem ego cre-
diderim. Longiori temporis intervallo, lentoque nimis molimi se conciliatur. Tùm sapè,
dum quid humoris elicit exte ius transpiratio, copia major ad intimiora vergens, &
propinquis, & remotioribus etiàm sese partibus ingerit, insupereductis subterioribus
laticis inclusi particulis, densior non raro massa superest ægre disjungenda, schirrosam-
que paulatim æmulatura duritiem. Urget anceps utri què periculum. Ex suppurationè,
si maturè promoveatur, si debirà quantitate fiat, non ista vereri fas est. Hanc igitur con-
sentiente naturâ, partiumque dispositione amplectamur. Utrùm sit, in casu quolibet,
obtinenda puris exquisita confectio, priusquam ipsi concedatur effugium; an ante ma-
turitatem semper aperiri tumor oporteat? Quæ sequuntur edocebunt.

I I I.

PAROTIDES cùm iisdem non exoriantur auspiciis, non omnes celeritate pari sibi
petunt exitum. Is etiam ipsis non simili constanter modo paratur. Ad hunc cur rem-
pore properent inæquali, multa coeunt. Principiorum ex quibus origo pendet, malorum
quæ socio tangunt ortu, quibusvè occurrunt, assidentium iis deniquè omnium natura,
ferocitas, partis ipsiusmet dispositio, consiciendum pus, lentiori, vel promptâ magis
arte cient. *Crisis* non quæ maturent, sed quæ maturum citò liberent, efflagitant. Si ma-
lignæ febris febiles ex aggesto liquore tumor emineat, plena periculi cessatio, dabit
perniciem quies. Ipsa etiam sapè tarda fuit in hoc casu celeritas. Digerentia digerentibus
addita, suâ quodque vice, scrupulosius apponi nè iusseris. Humoris parandi, jam natura
munus occupavit; nec multus te manet labor. Tùm enim febris topiorum æmula con-
coquit; imò quæ glandulæ inferuntur, penè cocta dixeris. At sapè nil micat exterius; si-
lent laudandi puris indicia, non conspiciuntur quæ regant incertum. Quid iis opus est? Regit
sanctissima practica lex, & legi non inferior metus, ne vicina, si delirefecit liquor, maligno
rore periundantur. Nil igitur exte nè maturare tentes, præter citam interiùs maturi edu-
ctionem. Vix incisi dehiscet tumoris sinus, benè suspicatum te fuisse, brevi noveris. Inde
cùm impuro latice exiliet sapientis methodi laudatio. Non unâ ratione viam exeundo puri
præberi diximus. Caustica ferri sapè vices adimplere coguntur. Hoc & priora sine discrimi-
mine usurpari vetitum est. Licet enim pari consilio movantur, & quædam sint ambobus
communia, in nonnullis tamèn proprio jure præpollere gaudent. Sic ut aque terebrandis
potentia tumoribus, divisas sapè tenent sortes. In iis etenim quos ad plenam ire suppurati-
onem palam est, ferro plerumquè, rariùs causticis agitur; in induratis autèm & schir-

rosæ soliditati vicinioribus, urere frequentius, quàm secare. Horum usus in gravidis densiori latice Parotidibus, simili distinguitur prudentiâ. Has enim cæteris corporibus glandulosus affinis, ad indurationem quandoque pronas esse, minimè portentum videri debet. Familiare omnium ferè glandularum peccatum est. Quo tamen non ita sunt insimulanda, quæ subnascuntur malignæ febri Parotides. Has igitur citiùs aperiri non posse liquet. Veniet ex solâ celeritate salus. Multiplices etiam vultu mitiori prodeunt hujusce modi tumores, quos nec febris, aut saltèm parùm aspera, nec depressa valetudo comitetur. Eas faviori ferro protinùs debellare non aggrediari; nec placidiori benignitate excipias. Si pax ipsi longior faveat, brevi dira minari, dira etiam accerere queunt. Prudentem igitur & cautum te geras, cùm te finat utrumque gerere, malignorum absentia symptomatum, & metuenda nihilominus liquoris indoles.

I V.

RES interdum Natura soli committendas, prædicant ferè omnes Medicinæ codices. Venerandum quidem axioma! Verùm adhibenda, si fuerit opus, auxilia vetari nè fineris. Hæc foret periculosa veneratio. Nec bene laboranti consuleret, qui malè otiosus, benigniorum etiam Parotidum spontaneam permetteret ruptionem. Has igitur sequaci curâ premas. Nota sunt proximæ suppurationis signa. Laudandas perfecti puris dotes indicant, heberior jam doloris aculus, febrilis paulò quiescens ardor, mitescentia symptomata, hujus pallefcere rubor incipiens, microque saliens in medio subalbidus. Inter hæc non recesseri, deprehendendam indice tactu, fluctuationem nè mireris. Quot enim ancipiti delusit errore, quos ad irram stertilis abscessus aperturam impulit? At priora mendaci tefellisse fco non audivimus. Tùm ubi parent, mollissima demùm agendi temporâ, nè sinas effugere. Hæc verè sunt liberando puri dicata. Celerem pagenter & timidam nimis arcemus manum. Peccat utraque. Majora quamnam ex ambobus trahat incommoda, dubium forte moveri posset. Ferro præcipiti qui multa præcavere confidit, quot nova citius artifex operatur mala! Is certè *Malum potius adaugebit.* (a) 1°. enim naturæ consilia turbat, ejusque labores maturaturè strenuus anteverit. Prioris quidem est facienda auspicari, torpens in glandulâ fluidum ad coctionem parare. Prima etiam hujus alteratio, solius ejusdem officium. Ipsa denique monet quid tentari velit. Si tardiori videatur incessu progredi, malignique forsitan laticis offendant mora diuturnior, sunt quibus maturare leniter negotia possis, nedùm ad faviora ruas. 2°. *Nihil indè puris educet.* (b) Nec istud agere concipitur, cùm ad illius perfectionem concedenda temporis spatia negaverit. Vix enim glandula intumuit, in sinceram continuò nequit abire materiam. Pus pure allicitur, at hujus non evolvitur ad nutum rapida generatio. 3°. Citiùs aperto Parotidi: fomite, dissipatur internus calor. Fugit mox abscessuræ parti dispositio. Quocunque enim humor aliquis appellatur, si crassiores eum vasa nequeant exfugere, ibi aggeritur cito debitus otio. Nec longa quies; calore loci refocillatus brevi reviviscit. Hærentes sese expediunt particule: de somno excitantur quasi desertos repetituræ canales. Sed nullus præter aditus. Tùm quodam, veluti desperationis motu, agitatæ ibimet occurrunt. Exoritur intestina fermentatio, digestionis similis, inclusa concoquens. Nulla enim sine quodam æstu concoctio. Et cur apposita quædam *emplastica*, promovendæ puris elaborationi favere dicuntur? Nonne forsitan quòd poros occludant, internumque aeri impervia, foveant ardorem? Hinc consicias, an inciso citiùs tumore, vel exurgere, vel servari diu calor iste debeat? an non omnis proindè pereat suppurationis expectatio? 4°. Adest insuper metus haud infrequens, ne divertatur aliàs parotidem liquor excuscitans. Namque ex immaturè apertâ nullus, aut parcius saltem effluit. Crudus qui superest, ad exequitum perfectæ digestionis sinem, non jam faciliè deducetur. Utrumque minimè spernenda firmat ratiocinia. Hinc nonne quædam enasci videtur, ad alia clam serpendi necessitas? Quot jam timendæ *metastases*! Quot cæca suberrare pericula, quàm multis denique in locis dispersi possunt abscessus! Et ista ne credideris ad incutiendum efficta terrorem, his non inferiora sæpè temera peperisse legitur celeritas.

(a) Sennert, 6.
2. Part. prim.
lib. V. cap. V. p.
805.

(b) Idem, ibid.

NUNC igitur prudentiæ partes amplecti moraris? Hæres incertus quò te abripi cupias? At narrata certè mala sufflat celebrata maturo tempore Parotidum incisio. Hæc saltem mitior dicenda methodus. Quin, audeam asserere, sola naturæ legibus consentiens, agenti modò samulatur, modò deciduis supplet conatibus; ipsi sæpè obsequiosa, sæpè etiam imperans, inmixta semper, nunquam invisa, desideratam puris non intercipit confectionem. Non Reiles imperfecto largitur exitus, undè nihil aut pauca tantùm quantitas extiller. Nocivos demùm, & ab impedita suppuratione pendentes non patitur effectus. Parùm ista te movent, urges. Lentior tibi videtur exquisitæ concoctionis progressus. Optata priùsquàm contingant aperiendi tempora jam puris copia quædam, internam glandulæ substantiam corrodens, etiam si maligna non fuerit indoles, in viciniis excavare sibi poterit receptaculum. Audebit forsitan intimiores cerebri recessus violare. Hoc primum objicis? Respondeo. Res quidè ità se haberent, si naturæ soli linqueretur eligenda suppurationis opus. In alieno casu sapiens diceretur cuncta ponderantis prudentia; damnandus in præsentì torpor, exproblanda cunctatio. Infestam nè diutius involvi materiam sinas. Pro naturâ, vel antiquiori tumoris origine, maturantia accommodes. Nihil est majori sedulitate observandum. Ingeminas. Si quid elaborati puris interius, nondum patentibus externè confecti signis, evalerit, nùm inde quæ timenda sunt, sequens avertere poterit educitio? Respondeo primò. Saltem impedit ne fugitivo jungatur extractus liquor, & crescat formidandorum manus. Respondeo secundo, non satis largam merè purulenti laticis è Parotide *non malignâ* quantitatem interius effundi posse, externis nondum micantibus indicis, ut ideo trillia liceat eventura suspicari.

Notandum autem istud imprimis est. Expectandam quidem esse Maturitatem contendimus, priùs quàm instituatür apertura tumoris. At delineatâ à nobis statum hunc nè putaveris, quò versùs in materiam totus ferè tumor, quasi flaccescens pendet. In medio tantùm emineas albescat acumen satis est. Sic evolutâ mente concludimus:

Ergò non omnes ante maturitatem Parotides aperienda.

DOMINI DOCTORES DISPUTATURI.

M. Antonius GARNIER,
Anatomies & Arit Obse-
triciæ in gratiam Matronarum professor.

M. Joannes-Francisus-Clemens MORAND, Eques,
Castrosum & Exercituum Regis nuper medicus, nunc
in Regiâ Invalidorum Domo Coadjutor medici Ren-
nunciatus, è Regiâ Scientiarum Academiâ Pari-
sienfi, nec-non Academiarum Stoholmiæ, Matriti,
Florentiæ, Rothomagi, Lugduni Socius, Regiî
medicorum Nanceianorum Collegiî Socius Honora-
rius, illius itidem, quod est Leodi, Assessor Hono-
rarius.

M. Natalis - Andreas-
Joannes - Baptista CHES-
NEAU.

M. Jacobus - Ludovicus
ALLEAUME, Militarium
Nosocomiorum ad Regis
Exercitum nuper medicus.

M. Martinus NOUGUEZ.

M. Francisus PARIS.

M. Claudius - Francisus
GRANDCLAS, Eques, Sta-
nislai I. poloniarum Regis,
plurim Consiliarius medicus,
& Regionum Exercituum à
Consiliis medicis.

M. Ludovicus - Alexander GERVAISE, Biblio-
thecæ Facultatis præfectus.

M. Dionysius - Claudius
DOULCET.

Proponebat Parisiis JOANNES-CAROLUS DESESSARTZ, Lin-
gonensis, Doctor Medicus Rhemenfis, Saluberrimæ Facultatis Medicinæ Pari-
sienfis Baccalaureus, A. R. S. H. 1768, à sextâ ad meridiem.

Typis QUILLAU, Universitatis & Facultatis Medicinæ Typograph.